



ՀԱՍՏԱՏՈՒՄ ԵՄ՝
ՇՐՋԱԿԱ ՄԻՋԱՎԱՅՐԻ
ՆԱԽԱՐԱՐ
Ռ. ՊԵՏՐՈՍՅԱՆ

« 07 » 09 2021թ.

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ

ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ
ՓՈՐՁԱՔՆՆՈՒԹՅԱՆ

ԲՓ 0161-21

Ձեռնարկողը՝

«Հայկ Գրուպ» ՍՊԸ

Արագածոտնի մարզ, գ. Մաստարա 4-րդ փ. տ. 22

Գործունեությունը՝

Հացաշենի փուֆերի հանքավայրի (1-A, 2-B և 3-C1 բլոկներ)
բացահանքի արդյունահանման շրջակա միջավայրի վրա
ազդեցության գնահատման հաշվեքվություն
Արագածոտնի մարզ

«Շրջակա միջավայրի վրա ազդեցության
փորձաքննական կենտրոն» ՊՈԱԿ-ի
տնօրենի պարտականությունները կատարող՝



Խ. Մարտիրոսյան

Առդիր եզրակացությունը՝ 5 թերթ

ՊԵՏԱԿԱՆ ՓՈՐՁԱՔՆՆԱԿԱՆ ԵԶՐԱԿԱՑՈՒԹՅՈՒՆ
ՇՐՋԱԿԱ ՄԻՋԱՎԱՅՐԻ ՎՐԱ ԱԶԴԵՑՈՒԹՅԱՆ ՓՈՐՁԱՔՆՆՈՒԹՅԱՆ

թիվ ԲՓ 0161-21

< 07 > 09 2021թ.

Արագածոտնի մարզի Հացաշենի տուֆերի հանքավայրի (1-A, 2-B և 3-C1 բլոկներ) բացահանքի արդյունահանման շրջակա միջավայրի վրա ազդեցության գնահատման հաշվետվություն

Ձեռնարկող՝

«Հայկ Գրուպ» ՍՊԸ

Ներկայացված նյութեր՝

Շրջակա միջավայրի վրա ազդեցության
նախնական գնահատման հայտ
/Ա կատեգորիա/

Գտնվելու վայրը՝

Արագածոտնի մարզ, Մաստարա համայնք

Ներածական մաս. Հացաշենի տուֆերի հանքավայրը գտնվում է Արագածոտնի մարզի Մաստարա համայնքի վարչական տարածքում, Հացաշեն բնակավայրից 5,0կմ դեպի հարավ-արևելք:

Հացաշենի 1-A, 2-B, 3-C1 բլոկների տեղամասը զբաղեցնում է 1.862 հա մակերեսով տարածք, նպատակային նշանակությունը՝ գյուղատնտեսական, իսկ գործառնականը՝ արոտավայր (1.5հա) և վարելահող (0.362հա):

Մոտակա բնակավայրերն են՝ Հացաշեն, Մաստարա, Զարինջա գյուղերը և Թալին քաղաքը(8.5 կմ դեպի հարավ-արևելք): Հանքավայրի նշված տեղամասը տեղակայված է ծովի մակերևույթից 1620-1650մ բարձրությունների վրա:

Համաձայն «Շրջակա միջավայրի վրա ազդեցության գնահատման և փորձաքննության մասին» ՀՀ օրենքի 14-րդ հոդվածի, 4-րդ մասի, 2)-րդ կետի գ. ենթակետի՝ դասակարգվում է «Ա» կատեգորիայի գործունեության տեսակ:

Նկարագրական մաս. Հանքավայրում օգտակար հանածոյի հաշվեկշռային պաշարները ՀՀ պաշարների պետական հանձնադրվի կողմից հաստատվել են A+B+C1 կարգով՝ 3944.7 հազ.մ³ քանակությամբ(արձանագրություն թիվ 343; 13. 12.1991թ), որից՝ մակաբացման ապարների ծավալը կազմում է 27940մ³:

Նախատեսվող բացահանքի հաշվեկշռային պաշարների քանակը՝ 265700մ³ տարեկան տուֆի զանգվածի հանույթով (13285մ³տուֆի մարվող պաշար), արդյունահանվող պաշարներինը՝ 234400մ³: Բացահանքի տարեկան արտադրողականությունն ընդունված է ըստ տուֆի զանգվածի՝ 11720 մ³(արդյունահանվող պաշար): Ծառայման ժամկետը կազմում է 20 տարի:



Հանքավայրի նկարագրվող տեղամասի անկյունային կետերի կոորդինատները(WGS -84 համակարգով)

1. 8399121.3 4477314.5
2. 8399053.6 4477391.1
3. 8399179.0 4477425.4
4. 8399297.0 4477401.1
5. 8399242.9 4477312.8

Ելնելով հանքավայրի տեղադիրքից, հանքամարմնի տեղադրման պարամետրերից և մակաբացման ապարների փոքր ծավալներից, տեղամասի մշակումը նախատեսվում է իրագործել բաց լեռնային եղանակով(բացահանքի միջոցով)՝ առանց հորատապայթեցման աշխատանքների: Արդյունահանումը կիրականացվի CMP-026 քարհատ մեքենաների օգտագործմամբ՝ 0.42մ բարձրությամբ աստիճաններով:

Նախագծվող բացահանքը վերջնական դիրքում ունի հետևյալ պարամետրերը.

- առավելագույն երկարությունը – 245մ,
 - առավելագույն լայնությունը -112մ,
 - առավելագույն խորությունը - 14.27մ,
 - մակաբացման ապարների միջին հզորությունը - 1.5մ,
 - արտադրական թափոնների ծավալը - 138776մ³,
 - մակաբացման ապարները և արտադրական թափոնները սկզբնական շրջանում կպահեստավորվեն բացահանքի արևելյան մասում ձևավորվող ժամանակավոր N1(տուֆերի բեկորներ պարունակող ավազախճային նստվածքներով հողաբուսական շերտ), N2(ավազաքարեր, տուֆերի բեկորներ պարունակող ավազակավային, ավազախճային նստվածքներ, փուշտա) և N3(արտադրական թափոններ) լցակույտերում, հետագայում բացված՝ արդյունահանված հորիզոնների վրա ներքին լցակույտ կատարելու համար – 166716մ³ ընդհանուր ծավալով:
- Լցակույտառաջացման ժամանակ մակաբացման ապարները և արտադրական թափոնները ավտոինքնաթափով կտեղափոխվեն դեպի արտաքին ժամանակավոր լցակույտը և բուլդոզերով կփռվեն թեքության վրա:

Բացահանքի շահագործման ընթացքում տեղի են ունենում օգտակար հանածոյի անխուսափելի կորուստներ(նախագծային կորուստներ), որոնք բաժանվում են երեք խմբերի.

ա/ հանքավայրի լեռնատեխնիկական պայմաններով պայմանավորված կորուստներ՝ կախված օգտակար հաստվածքի տեղադրման եզրագծի բարդության աստիճանից և անկման անկյունից բնամասերի տեսքով թողնվում են բացահանքի կողերում(17925մ³ կամ հանածոյի քանակի 6.75 %-) և հատակին(11465մ³ կամ հանածոյի քանակի 4.32%)՝ հանքաստիճանների եզրերի թույլատրելի թեքությունն ապահովելու համար,

բ/ շահագործման կորուստներ - առաջանում են օգտակար հաստվածքի տանիքը մակաբացման ապարներից մաքրելու ժամանակ, կանխորոշվում են արդյունահանման տեխնոլոգիայով և ընդունվում են՝ 1370մ³(0.5 %),

գ/ բացող խրամի տակ մնացող կորուստներ - 540մ³(0.2 %):

Օգտակար հանածոն ավտոինքնաթափերով տեղափոխման ժամանակ կորուստները չնչին են, և դրանք չեն հաշվառվել: Բացահանքի կորուստները կկազմեն ընդամենը՝ (265700-234400), 265700 x 100=11.78%:



Ռեկուլտիվացման ծախսերը կկազմեն ընդամենը՝ $1494800 + 293600 = 1788400$ դրամ:

Շրջակա միջավայրի վրա բացասական ազդեցության կանխարգելմանն և մեղմացմանն ուղղված մշտադիտարկումների իրականացման նպատակով նախատեսվում է տարեկան մասնահանել 150.0 հազ.դրամ:

Հանքավայրի տարածքը, ինչպես նաև հարակից շրջանները ներառված չեն բնության հատուկ պահպանվող տարածքում, ՀՀ բույսերի և կենդանիների Կարմիր գրքերում գրանցած բույսեր և կենդանիներ ինչպես նաև դրանց աճելավայրեր կամ ապրելավայրեր չեն արձանագրվել:

Բացահանքի աշխատանքների և շահագործման ընթացքում շրջակա միջավայրի վրա բացասական ազդեցությունները կանխարգելելու և մեղմելու նպատակով մշակվել են բնապահպանական միջոցառումների ծրագիր ուղղված՝ մթնոլորտային օդի, հողային, ջրային ռեսուրսների, կենսաբազմազանության պահպանությանը, այդ թվում՝

- փոշենստեցման նպատակով փոշեգոյացման օջախների(աշխատանքային հրապարակները, հանքաստիճանները, լցակույտերը, մուտքային և դեպի լցակույտ տանող ավտոճանապարհը և այլն) ինտենսիվ ջրցանում տարվա չոր և շոգ եղանակներին(օրական 2 անգամ),

- բացահանքի մշակված տարածության լեռնատեխնիկական վերակուլտիվացում,

- շահագործման ավարտից հետո կենսաբանական վերակուլտիվացում,

- վառելիքաքսուքային նյութերով հողաձածկույթի աղտոտումը կանխելու նպատակով տեխնիկատրանսպորտային միջոցների սարքին վիճակով շահագործում՝ բացառելու համար վառելիքի և յուղի պատահական արտահոսքը,

- հողի աղտոտումը կանխելու նպատակով արտադրական հարթակում և աշխատակիցների հանգստյան վայրերում աղբամանների տեղադրում,

բացահանքի արդյունաբերական հրապարակի շրջակայքում հնարավոր չափով կանաչապատում՝ թփուտներով,

- դիզելային շարժիչներով աշխատող լեռնատրանսպորտային սարքավորումների վրա խլացուցիչների և արտանետվող գազի հոսքի վրա՝ զտիչների տեղադրում՝ թունավոր խառնուրդների չեզոքացման նպատակով:

- խախտված տարածքների վերականգնում /ռեկուլտիվացիա/:

Պատճառաբանական մաս. Արագածոտնի մարզի Մաստարայի համայնքապետարանում օրենսդրությամբ սահմանված կարգով, իրականացվել են հանրային քննարկումներ, որոնց ընթացքում տեղական ինքնակառավարման մարմինները և հասարակայնությունը հավանություն են տվել նախատեսվող գործունեությանը: Փորձաքննական գործընթացին մասնակցել են շրջակա միջավայրի նախարարության ստորաբաժանումները, առողջապահության, արտակարգ իրավիճակների, կրթության, գիտության, մշակույթի և սպորտի, կադաստրի կոմիտեն, ինչպես նաև Արագածոտնի մարզպետարանը: Ծրագրի իրականացման արդյունքում շրջակա միջավայրի վրա հնարավոր բացասական ազդեցությունները հիմնականում պայմանավորված կլինեն աշխատանքների իրականացմամբ, որոնք կկրեն ժամանակավոր բնույթ և ազդեցությունները կլինեն թույլատրելի նորմայի սահմաններում:

Փորձաքննական պահանջներ

- Հանքարդյունահանման աշխատանքների իրականացման ընթացքում անհրաժեշտ է առաջնորդվել ՀՀ կառավարության 22 փետրվարի 2018 թվականի 191-Ն որոշման պահանջներով, շրջակա միջավայրի բաղադրիչների /մթնոլորտային օդ, հողային ծածկույթ, կենսաբազմազանություն/



մշտադիտարկումների արդյունքների տարեկան հաշվետվությունը նշված որոշմամբ սահմանված ժամկետներում և ձևաչափով ներկայացնել լիազոր մարմին:

- Հանքավայրի շահագործման ընթացքում անհրաժեշտ է ապահովել և պահպանել բնապահպանական կառավարման պլանում և մշտադիտարկման ծրագրում նախատեսված միջոցառումների իրականացմանը:

- Անհրաժեշտ է ապահովել հայտում ամրագրված ռեկուլտիվացիայի աշխատանքների իրականացումը:

- Բացահանքի աշխատանքային գործընթացում ներգրավել համայնքի և մոտակա համայնքների բնակիչներին, ինչպես նաև համայնքի ղեկավարության հետ քննարկել անհրաժեշտ օգնության ծրագրեր և համապատասխան ֆինանսական ներդրումներ կատարել համայնքային բյուջե:

- ՀՀ կառավարության 2002 թվականի ապրիլի 20-ի «Պատմության և մշակույթի անշարժ հուշարձանների պետական հաշվառման, ուսումնասիրման, պահպանության, ամրակայման, նորոգման, վերականգնման և օգտագործման կարգը հաստատելու մասին» N438 որոշմամբ հաստատված կարգի 43-րդ կետի համաձայն, աշխատանքների կատարման ժամանակ պատմական, գիտական, գեղարվեստական և այլ մշակութային արժեք ունեցող հնագիտական և մյուս օբյեկտների հայտնաբերման պահից անհրաժեշտ է դադարեցնել աշխատանքները և դրա մասին անհապաղ տեղեկացնել լիազորված մարմին՝ համապատասխան պահպանական միջոցառումներ իրականացնելու համար:

- Աշխատանքների կատարման ընթացքում անհրաժեշտ է պահպանել առողջապահության նախարարի 2012 թվականի սեպտեմբերի 19-ի թիվ 15-Ն հրամանով հաստատված սանիտարական կանոնների և նորմերի պահանջները:

ԵԶՐԱՓԱԿԻՉ ՄԱՍ

«Հայկ Գրուպ» ՍՊԸ կողմից ներկայացված Արագածոտնի մարզի Հացաշենի տուֆերի հանքավայրի (1-A, 2-B և 3-C1 բլոկներ) բացահանքի արդյունահանման շրջակա միջավայրի վրա ազդեցության գնահատման հաշվետվության վերաբերյալ տրվում է դրական եզրակացություն՝ վերը նշված փորձաքննական պահանջների պարտադիր կատարման պայմանով:

Գլխ. մասնագետ՝



Մեսրոպյան